

卷八

金遷翼

金匱翼卷八目錄

夢遺精滑論

清心

清燥濕熱

秘固精氣

赤白濁

便秘統論

虛秘

實秘

風秘

冷秘

熱秘

氣秘

閉癰遺溺論

小便不通

小便不禁

交腸

諸淋

沙石淋

勞淋

血淋

氣淋

膏淋

痢症統論

溫劑

逐水

除溼

降心火

和血

散氣

寒熱兼行

逐氣流經

診候生死要法

金匱翼卷八

飼鶴山人尤在涇先生怡集

長洲後學徐錦炳南氏讀

夢遺精滑

夢遺精滑。雖皆屬火。而有心腎之異。動於心者。神搖於上。則精遺於下也。不必治腎。但清其心。而夢自已。蓋精之藏貯。雖在腎。而精之主宰。則在心。是以少年伶俐之人。多有此病。而田野愚魯之人。無患此者。總由心之動靜而已。動於腎者。壯年氣盛。久節淫慾。經

絡壅熱精乃不固。經所謂陽強不能密。陰氣乃絕是也。而此病復有二。有出於木者。有出於水者。以二藏皆有相火故也。宜分別治之。又有脾胃濕熱下流。腎經精氣不清。而遺者。得之醇酒厚味過多也。直指所謂心腎之外。又有脾精不禁。小便漏濁。手足乏力。腰背酸疼。當用蒼朮等劑。以斂脾精。斂脾謂何。精生於穀也。

清心之劑。

安神丸。

生地。

硃砂。

水飛。

當歸。

各一錢。

甘草。

五分。

黃連。

一錢五分。

湯浸蒸餅爲丸。如黍米大。每服十五丸。或二十

丸。津咽。或用溫水送下。

導赤散。婁全善云。一壯年夢遺白濁。與瀝精藥

益甚。改用導赤散。大劑服之。遺濁皆止。

生地。

木通。

甘艸。

等分。

竹葉。

二十片。

水煎服。

一方加人參。麥門冬。

茯神湯。治思想太過。夢泄夜臥心悸。

茯神去皮木。錢五分。遠志石菖蒲。茯苓各一錢。

棗仁炒。一錢二分。人參當歸各一錢。甘草四分。

黃連生地各八分。

水二鍾。蓮子七枚。搥碎。煎八分。食前服。

蓮子六一湯。治心熱夢遺赤濁。

石蓮肉連心用。六兩。甘艸炙。一兩。

右為末。每服二錢。食後燈心一小撮煎湯調下。

王荊公妙香散。安神閉精。定心氣。

人參。益智仁。龍骨五色者。各一兩。白茯苓。

茯神

去木

遠志

去心各半兩

硃砂

研

甘草

炙各一錢半

右爲細末。每服二錢。空心溫酒調服。

眞珠丸。

眞珠

六兩以牡蠣六兩用水同煎一日去牡蠣以眞珠爲末。

右於乳鉢內研三五日後寬著水飛過候乾用

蒸餅和丸如梧子大每服二十丸食前溫酒送

下。

珍珠粉丸。

黃栢

新瓦上炒赤。

眞蛤粉

各一斤。

眞珠

三兩。

右爲末滴水丸梧子大每服一百丸空心溫酒送下

法曰陽盛乘陰故精泄黃柏降火清心蛤粉鹹而補腎陰易老方無真珠一味正傳

定志珍珠丸 治心虛夢泄

蛤粉

黃柏

人參

白茯苓

各三兩

遠志

石菖蒲

青黛

各二兩

樗根白皮

一兩

右爲末麵糊丸梧子大青黛爲衣空心薑鹽湯

下五十丸

正傳

本事清心丸。治年壯氣盛。久節淫慾。經絡壅熱。

夢漏。心忪恍惚。

好黃柏皮。

一兩

爲細末。用生腦子。

一錢

同研煉

蜜丸。如梧子大。每服十丸。至十五丸。濃煎麥冬湯下。

大智禪師云。夢遺不可全作虛冷。亦有經絡熱而得之者是也。常治一人。至夜脊心熱。夢遺。用珍珠丸。猪苓丸。遺止。後服紫雪。脊熱始除。或清心丸亦佳。

本事

清燥溼熱之劑。

神芎丸

大黃

黃芩

各二兩

黑丑

頭末

滑石

各四兩

黃連

川芎

薄荷葉

各半兩

滴水丸桐子大每服五十丸食後溫水下

局方無黃

連婁全善云。一中年夢遺與瀉藥勿效。改與神

芎丸下之後與猪苓丸遂愈。

猪苓丸

治年壯氣盛。溼熱鬱滯夢遺

半夏

一兩

破如豆粒。用猪苓

二兩

爲末。先將一

半炒半夏色黃勿令焦。出火毒。取半夏爲末。糊丸。梧子大。候乾。用前猪苓末一半。又同炒微裂。入瓷餅內。養之。空心溫酒或鹽湯下。三四十丸。常又服於未申間。以溫酒下。此方以行爲止。治濕熱鬱滯。小水頻數。夢遺精滑。良。蓋半夏有利性。而猪苓導水。卽腎氣閉。導氣使通之意。

一男子夢遺。醫與瀉藥。反甚。先服神芎丸。大下之。卻服此猪苓丸。愈。可見夢遺屬鬱滯者多矣。經驗猪肚丸。治夢遺泄精。進飲食。健肢體。此藥

神應。

白朮

麴炒五兩

苦參

白者三兩

牡蠣

左顧者煨研四兩

右爲末。用雄猪肚一具洗淨。以瓷罐煮極爛。木

石搗如泥。和藥。再加肚汁搗半日。丸如小豆大。

每服四五十九。日進三服。米飲送下。久服自覺

身肥。而夢遺永止。

和劑威喜丸

白茯苓

去皮四兩切塊。同猪苓二錢半於磁器內煮二十餘沸。晒乾。不用猪苓。

黃蠟

四兩

右以茯苓爲末。溶黃蠟搜和爲丸。如彈子大。每空心細嚼。滿口生津。徐徐嚥服。以小便清和爲度效。忌米醋及怒氣動性。

三仙丸

益智仁

二兩用鹽二兩炒去鹽

烏梅

一兩半炒

山藥

一兩另爲末

右用山藥末煮糊爲丸。梧子大。每服五十九。用硃砂爲衣。空心臨臥以鹽湯下。

蒼朮丸

茅山蒼朮

去粗皮一斤米泔浸一日夜焙乾

舶上茴香

炒三兩

川烏炮去皮臍破故紙谷二兩炒川棟子蒸取肉焙乾三兩

白茯苓二兩龍骨別研二兩

右末酒糊丸梧子大硃砂爲衣每服五十九空心縮砂仁湯下粳米飲亦可

此直指所謂脾精不禁當用蒼朮輩以斂脾精是也若有熱者宜鳳髓丹

秘固精氣之劑

葛元真人百補交精丸

熟地黄酒浸一宿切焙乾四兩五味子六兩山藥

牛膝

酒浸一宿焙乾

肉蓯蓉

酒浸一宿切碎焙乾各二兩

杜仲

去粗皮慢火炒斷絲三兩

澤瀉

山茱萸

茯神

遠志

巴戟肉

柏子仁

微炒另研

赤石脂

各一兩

右爲細末煉蜜丸如梧子大每服二十九空心

酒送下

固真散

白龍骨

一兩 韭子 一合

右爲末每服二錢七空心用酒調服此二藥大

能澁精固真氣煖下元。一方有白茯苓兎絲
子。醋和丸桐子大每服五十丸溫酒鹽湯下名
固玉露丸 一方加天雄鹿茸牡蠣酒糊丸梧子
大每服五十丸酒下日再名內固丸

玉鎖丹 治玉門不閉遺精日久如水之漏不能
關束者

文蛤 八兩 白茯苓 三兩 白龍骨 一兩

右爲細末米糊丸梧子大每服七十丸空心淡
鹽湯下臨睡更進一服極效加蓮鬚或肉二兩